

UGOVOR ZA JAVNU NABAVKU USLUGE

Priprema i dostava hrane

I UGOVORNE STRANE

1. **KANTONALNA UPRAVA CIVILNE ZAŠTITE KANTONA SARAJEVO**, ul. Fehima ef. Čurčića br. 1., Sarajevo, koju zastupa direktor, Dženan Brkanić, (u daljnjem tekstu: **Naručilac**), ID broj: 4200665390008 i
2. **IBES** ul. Bravadžiluk br. 5, 71000 Sarajevo koju zastupa direktor Edin Ibrahimagić, (u daljnjem tekstu: **Izvršilac**), s druge strane. ID broj: 4200170070007.

U daljnjem tekstu Ugovora, kada se Naručilac i Izvršilac navode zajednički, tj. zbirno, tada su označeni kao "**Ugovorne strane**".

II OSNOV ZA ZAKLJUČENJE UGOVORA

Osnov za zaključenje ovog Ugovora je informativna ponuda Isporučioca od 15.02.2022. godine i Odluka o izboru najpovoljnijeg ponuđača za javnu nabavku usluge - Priprema i dostava hrane, Naručioca, broj: 06-11-309-3/22 od 28.02.2022. godine.

III PREDMET UGOVORA

Član 1.

Predmet ovog Ugovora je javna nabavka usluge – Priprema i dostava hrane prema zahtjevu za dostavu ponude od 15.02.2022. godine kao i informativnoj ponudi Izvršioca od 16.02.2022. godine, koje čine sastavni dio ovog Ugovora.

IV CIJENA I NAČIN PLAĆANJA

Član 2.

Ukupna vrijednost ugovorene usluge definisane u članu 1. ovog Ugovora iznosi: 4.914,00 KM (slovima: četirihiljadedevetstinačetnaest KM).

U ukupnu cijenu iz stava 1. ovog člana, uračunat je PDV.

Cijena je fiksna i ne podliježe nikakvim promjenama za vrijeme trajanja Ugovora.

Naručilac se obavezuje da će ukupni iznos iz stava 1. ovog člana isplatiti na račun Izvršioca usluge broj: 33 89 00 220 708 6794 otvoren kod Unicredit banka.

Član 3.

Ugovorne strane su saglasne da će Naručilac ukupnu vrijednost iz člana 2. stav 1. ovog Ugovora isplatiti u roku do deset dana, nakon izvršene usluge, ako prilikom pružanja usluge Naručilac nema primjedbi na isporučenu uslugu.

Izvršilac je saglasan da Kupcu neće zaračunavati zatezne kamate za zakašnjenje pri plaćanju putem "Trezora" Ministarstva finansija Kantona Sarajevo, ako je Naručilac u

ugovorenom roku predao nalog za plaćanje, a Izvršilac primio uplatu s odgodom od jednog ili više dana od ugovorenog roka iz stava 1. ovog člana.

V ROK I MJESTO ISPORUKE USLUGE

Član 4.

Predmetnu uslugu Izvršilac treba isporučiti u prostorijama Olimpijskog kompleksa Zetra na adresi ul. Alipašina b.b., 71 000 Sarajevo na dan 1.3.2022. godine.

Član 5.

Ugovoreni rok isporuke usluge iz člana 4. ovog Ugovora, može se produžiti u slučaju:

- nastanka više sile ili drugih okolnosti koje Izvršilac nije mogao predvidjeti,
- kada ugovorne strane sporazumno produže ugovorni rok.

Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Izvršilac nije mogao uticati, niti ih predvidjeti ili spriječiti.

Član 6.

Ugovoreni rok izvršenja usluge zbog nastanka više sile ili drugih okolnosti koje Izvršilac nije mogao predvidjeti može se produžiti i isti odobrava Naručilac, s tim što je Izvršilac dužan da u roku od pet dana od nastanka više sile ili drugih okolnosti zbog koji ne može izvršiti svoje obaveze po ovom Ugovoru, obavijestiti Naručioca.

Ukoliko Izvršilac svoje obaveze, zbog dejstva više sile ili nastanka nepredviđenih okolnosti, ne može ispuniti u roku iz prethodnog stava, Naručilac ima pravo na raskid Ugovora.

VI UGOVORNA KAZNA

Član 7.

Ukoliko Izvršilac ne izvrši svoje obaveze u predviđenom roku dužan je da za svaki sat zakašnjenja plati ugovorenu kaznu u iznosu 0,1 % od ukupne vrijednosti ugovorene cijene. Ukupna vrijednost ugovorne kazne koja se plaća ne može iznositi više od 10 % od ugovorene cijene.

Naplata ugovorne kazne od strane Naručioca neće osloboditi Izvršioca obaveze da izvrši ugovor u potpunosti.

Ukoliko obračunata ugovorna kazna pređe 10 % od vrijednosti ugovora Naručilac zadržava pravo da jednostrano raskine ugovor i zahtijeva isplatu ugovorne kazne.

Ugovorna kazna se obračunava od prvog sata poslije isteka ugovorenog roka izvršenja.

Obračun i naplata ugovorne kazne izvršit će se umanjenjem računa Izvršioca za vrijednost obračunate ugovorne kazne.

VII OBAVEZE IZVRŠIOCA I NARUČIOCA

Član 8.

Izvršilac se obavezuje:

- da predmetnu uslugu izvrši kvalitetno u predviđenom roku, u skladu sa zahtjevom za dostavu informativne ponude, svojom informativnom ponudom od 16.02.2022. godine, važećim propisima, pravilima struke, zahtjevima Naručioca i odredbama ovog Ugovora;
- da u cilju izvršenja ugovorenih usluga obezbijedi potrebne stručne kadrove i materijalno-tehnička sredstva.

Član 9.

Naručilac se obavezuje:

- da će izvršiti uplatu ukupne cijene vrijednosti ugovorene usluge iz člana 2. ovog Ugovora, na način i u roku utvrđenom u članu 3. ovog Ugovora;
- da će na mjestu isporuke predmetne usluge obavijestiti Izvršioca o svakom eventualnom propustu u odnosu na pitanja utvrđena ovim Ugovorom,
- da će od Izvršioca na mjestu isporuke zahtijevati eventualnu korekciju predmetne usluge i kontrolisati njenu isporuku.

VII RASKID UGOVORA I NAKNADA ŠTETE

Član 10.

Kada jedna ugovorna strana na ispuni svoju obavezu, druga strana može, ako nije drugačije određeno ovim Ugovorom, zahtijevati ispunjenje obaveza ili pod uslovima predviđenim Ugovorom i ugovorenim materijalnim pravom, raskinuti Ugovor, ako raskid Ugovora ne nastupa po samom Zakonu, a u svakom slučaju ima pravo na naknadu štete.

U slučaju raskida Ugovora, ugovorne strane imaju pravo na naknadu štete koju trpe zbog kršenja Ugovora od druge ugovorne strane.

VIII PRIJELAZNE I ZAVRŠNE ODREDBE

Član 11.

Izvršilac nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 12.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

Član 13.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko to nije moguće, nadležan je Općinski sud u Sarajevu.

Član 14.

Ovaj Ugovor stupa na snagu danom njegovog potpisivanja od strane ovlaštenih predstavnika Naručioca i Izvršioca i sve do izvršenja svih pojedinačnih obaveza predviđenih ovim Ugovorom.

Član 15.

Ugovor je sačinjen u 5 (pet) istovjetnih primjerka, od kojih Naručilac zadržava 3 (tri), a Izvršilac 2 (dva) potpisana i ovjerena primjerka.

ZA IZVRŠIOCA

IBES d.o.o.

DIREKTOR

Edin Ibrahimagić

[Redacted signature]



ZA NARUČIOCA

KUCZ KS

DIREKTOR

nić

[Redacted signature]



Broj: _____
Sarajevo, __. __. 2022. godine

Broj: 06-11-309-5/22
Sarajevo, 28.02.2022. godine